

新昌 呂安世原輯
紹興 蔡東帆增訂

七冊

中華全史通俗演義

上海大東書局發行

中華全史通俗演義卷七

新昌 呂撫 安世 原輯 紹興 蔡成 東帆 增訂

第三十七回 明傳世十有二十七帝

詩曰 慷慨樽前發浩歌 休教世事苦相磨 東風要與花為主 無奈青春老去何

却說明太宗文皇帝號永樂既篡位詔以北平為北京復代王桂岷王梗封爵上議立嗣武臣咸請立高煦謂其有扈從功也惟文臣金忠解縉黃淮曰嫡長承統萬世正法解縉復曰好聖孫上乃立高熾為太子封高煦為漢王高燾為趙王以姚廣孝為太子少師賑濟蘇湖廣孝往見其姊姊拒之曰貴人何用至貧家不納廣孝乃易僧服往姊堅不肯出家人勸之姊不得已出立堂中廣孝即連下拜姊曰我安用爾許多拜耶曾見做和尚不了底是個好人麼遂還戶內不復見李景隆僧踰不法造圖讖謂十八子當有天下遂伏誅安南國王陳日焜為其臣黎季離所弑季離竄易姓名上表詐稱陳氏絕嗣求權署國事上從之踰年故安南國王孫陳天平走至京師懇免上遣人責之季離卑辭表請天平還國上遂命廣西都督黃中以兵送天平還季離伏兵殺天平中等引兵還事聞上大怒曰最爾小醜罪惡滔天朕推誠容納乃為所欺此而不誅兵則奚用乃命未能張輔等帥兵分道進討朱能有疾留龍州尋卒張輔等入安南張輔等至安南黎季離守備甚嚴輔襲破其西城又以畫獅蒙馬用神機銃破其象陣遂克東都黎季離遁入海輔軍追敗之生擒季離及其子澄餘眾

悉降。安南平。得府十五。州四十一。縣二百有八。戶三百十二萬。山東蒲臺縣妖婦唐賽兒反。能剪紙為人馬相戰鬪。且言能知未來事。初以新寡祭夫墓。得書劍。因削髮為尼。後復蓄髮。美色妖淫。據益都等地。殺傷官軍甚眾。勢甚猖獗。上遣安遠侯柳升剿之。不獲而遁。上捕之急。累及婦女。賽兒忽自首。裸而縛之。怡然不懼。臨刑。刀鎗箭銃俱不能傷。俄復遁去。開濬會通河。上命皇太子監守京師。巡幸北京。又命皇長孫留守北京。上率眾北征。至清水源。其地水鹹苦不可飲。人馬皆渴。忽於營西北有清泉湧出。賜名神應泉。上至長清塞。夜間南望北斗。車駕至幹難河。即元太祖始興處。本雅失里率眾拒戰。上一鼓敗之。本雅失里遠遁。上乃班師。次年。瓦剌順甯王馬哈木朝貢不至。且欲寇邊。上復親征之。擊破其軍。馬哈木北遁。上遂班師。因定都於北京。以京師為南京。上封高煦於南雲。以遠不肯行。改封青州。又不肯去。陰造兵器。養死士。上大怒。欲誅之。太子力救。上徙封之於樂安州。曰如其禍作。可朝發而夕擒之。阿魯台寇邊。殺興利守將王煥。上親征之。駕至雞鳴山。阿魯台聞之夜遁。阿魯台弑其主本雅失里。自稱可汗。復寇邊。上復親征。至上莊堡。韃靼王子也先士干率眾來降。上遂班師。次年。阿魯台復寇大同。上命皇太子監國。復率眾親征。大學士楊榮金幼孜從。師次清水源。阿魯台遠遁。上夢神人告曰。上帝好生。如是者再。上遂班師。師次蒼崖。上不豫。七月庚寅。師次榆柳川。上大漸。召張輔受遺命。傳位皇太子。次日。上崩。楊榮等秘不發喪。密奉大行皇帝訃。至京。師皇太子遣皇太孫赴開平。迎梓宮。軍中乃發喪。上文武全才。寬嚴並濟。知人善任。讒間不行。用兵應變。機

智如神。郡縣災傷。捐租賑穀。容受直言。保全功臣。外國受封者三十餘國。亦盛矣哉。獨於建文忠臣。男誅。女為娼。不能無遺恨焉。在位二十二年。壽六十五歲。棹宮至京師。皇太子高熾即位。是為仁宗。昭皇帝。改明年為弘熙元年。立妃張氏為后。任用蹇義。楊士奇。楊榮。夏原吉。金幼孜。黃淮。楊溥等。天下稱治。敕建文時奸黨。族屬並放還家。發教坊者。並宥從良。給還田產。時有自南京來者。上問所過地方何如。對曰。淮徐山東民多乏食。而有司徵稅方急。上不令部議。召楊士奇。草詔悉免之。然後令戶工二部知。上明於星象。忽夜見星變。召蹇義。士奇等語曰。天命盡矣。乃歎息曰。監國二十年。為讒慝所搆。心之憂危。吾三人共之。賴皇考仁明。得蒙保全。吾去世後。誰復知吾三人心者。言已。泫然。蹇義。士奇亦流涕。五月。上不豫。召蹇義。楊士奇。黃淮。楊榮至。思善門。命書敕。馳召皇太子於南京。翌日上崩。上天稟純明。至性孝友。從善改過。恭儉愛民。足稱令主。在位一年。壽四十八歲。時皇太子未至。羣臣請鄭襄二王監國。乙巳六月。太子瞻基至自南京。遂即位。是為宣宗。章皇帝。改明年為宣德元年。立妃胡氏為后。漢王高煦在樂安。未嘗一日忘反。及上帝位。謀益決。招集亡命。復遣人密約英國公張輔等。俾為內應。輔即縛其人。白於上。高照上書。指夏原吉等為奸佞。當誅之。上曰。高照果反。夜召輔臣入議。楊榮首勸上親征。上有難色。夏原吉曰。兵貴神速。楊榮言是。上意遂決。明日。諭百官親征。即治兵。遂與蹇義。夏原吉。楊士奇。楊榮。楊溥。發京師。命鄭襄二王留守。車駕至樂安。漢王大懼。上以書諭漢王。令執獻首謀。歸命朝廷。猶可保全。又以敕繫矢射城中。令執獻高照。城中人多欲執。

獻高照上駐蹕樂安城北。發神機銃。聲震如雷。城中股票。高照狼狽失據。遂潛出。頓首謝罪。上遂班師。繫漢王父子以歸。羣臣遂欲併取趙王。獨楊士奇以為不可。楊溥與士奇意合。上乃封羣臣奏章。遣使付趙王。使自處。趙王大喜曰。吾生矣。即獻護衛上表謝恩。言者始息。上至京。廢漢王高照為庶人。鎖繫於大內逍遙城上。往觀之。庶人出不意。伸一足勾上仆地。左右急救起。上大怒。亟命力士昇銅缸覆之。缸重三百斤。庶人有力。頂負缸起。乃積炭缸上如山。燃炭逾時。火熾銅鎔。庶人死。諸子皆死。南安黎利反。屢敗官軍。利請於朝。請復立陳氏後。上以疲斃中國。遠征無益。遂許之。冊封陳嵩為安南國王。罷征南兵。後黎利篡陳嵩而自立。遣使入貢。謝罪求封。羣臣請討之。上亦不許。封黎利為安南國王。安南即交趾國。自後朝貢不絕。上欲立貴妃孫氏為后。乃以意導胡后。使以疾辭。后位因廢。胡后而立孫氏為后。胡后居別宮。上亦不廢恩御。進膳如常儀。每燕會必命居孫后之右。上以秋高馬肥。恐胡騎寇邊。遂整士馬。駐喜峯口以待之。守將奏報。兀良哈率萬騎寇邊。上選鐵騎三千馳赴之。敵望見。以為戍邊之兵。即悉眾來戰。上命分鐵騎為兩翼夾擊之。上親射其前鋒三人殪之。兩翼飛矢如雨。敵不能進。繼而神機銃疊發。敵人馬死者大半。餘悉潰走。上以數百騎直前。敵望見黃龍旗。始知上親征。悉下馬羅拜請降。皆生縛之而歸。乙卯正月。上不豫。百官朝皇太子於文華殿。翌日上崩。在位十年。壽三十七歲。上天資英暢。敬禮大臣。勤恤民隱。慎於用人。嚴懲賊吏。或言臣下過失。密加詳察。實則加罪。誣則重懲。言者張輔。夏原吉。蹇義。楊士奇。楊榮。楊溥。金幼孜。呂震。胡榮等。同

心輔政。號稱治平之世。及崩。太子年方九歲。內議頗有欲立長君之說。英國公張輔。楊士奇。楊榮等入臨哭。罷。請見皇太子。叩頭呼萬歲。浮議乃息。太子祁鎮即皇帝位。是為英宗睿皇帝。改明年為正統元年。太監王振。山西大同人。初侍上於東宮。及即位。遂命掌司禮監。寵信之。呼為先生而不名。振遂專權。大作威福。張太皇太后御便殿。召英國公張輔。大學士楊士奇。楊榮。楊溥。尚書胡榮等入內。上東立。太后顧謂上曰。此五人先朝所簡以貽皇帝。凡有行必與之計。命宣王振至。太后顏色頓異。欲誅之。上跪為之請。乃得解。二年六月。京師旱。時御卷小兒為土龍禱雨。拜而歌曰。雨帝雨帝。城隍土地。雨若再來。還我土地。成羣呼噪。不知所起。未幾有監國即位之事。繼有復辟之舉。說者謂雨帝者與弟也。城隍者邸王也。再來還土地。謂復辟也。後悉如謠。太皇太后張氏崩。王振益無忌憚。侍講劉球劾王振專權。下獄。振使小校入獄。斷球頭而去。王振忌大理少卿薛瑄。下之獄。將殺之。賴諸大臣救免。放歸田里。道三楊俱卒。王振益橫。福建民鄧茂七反。僭稱閩王。烏合至數十萬。一時震動。其媳廖氏尤妖淫善戰。御史張楷討斬茂七。甯陽侯陳懋。削平其餘黨。十四年。北敵也先遣使二千餘人馬進報三千人。王振怒其詐。減去馬價。北使回報。遂失和好。發兵寇邊。榮惑入南斗。久不退舍。侍講徐理。蘇州人。頗知天文。曰。禍不遠矣。亟命妻孥南歸。妻孥重遷。有難色。理怒曰。汝欲作韓子婦耶。北敵也先大舉入寇。大同兵失利。邊塞城堡多陷沒。聲息甚急。王振不與大臣議。挾天子。帥師親征。百官伏闕上章懇留。不從。七月十七日。駕行。命太監金英。輔邸王居守。文武大臣皆忽忽隨行。官

軍及私屬共五十餘萬人。出居庸關。過懷來。至宣府。連日非風則雨。人情洶洶。聲息愈急。邊將并原等敗報踵至。隨駕文武連上章留之。振怒皆令掠陣。未至大同。兵士已乏糧。僵屍滿路。至大同。振欲進兵。北行益急。迫成國公朱勇膝行聽命。戶部尚書王佐竟日跪使草間。惟欽天監正彭德清斥振曰。象緯示警。不可復前。若有疎虞。誰任其咎。振怒曰。倘有此亦天命也。前軍西甯侯朱瑛武進伯朱冕全軍覆沒。振始有回意。明日班師。大同副總禦郭登謂駕宜從紫荆關入。庶保無虞。振不聽。師過雞鳴山。敵追至。遣朱勇率兵五萬禦之。敵於山下張兩翼夾攻。殺之殆盡。兵部尚書鄭瑄請車駕疾驅入關。而嚴兵為殿。振怒曰。腐儒安知兵事。次日駕至上木日。尚未晡。去懷來城二十里。欲入保懷來。振輜重千餘輛在後。未至。留待之。遂駐土木。敵見我營不行。偽退。遣使持書來通和。上召曹鼎革。敕與和。遣二通事與敵使偕往。振急傳令移營南行。既行。未三四里。敵四面追之。士爭先奔走。行列大亂。敵騎跳陣而入。大呼解甲投刃者不殺。乃棄甲相蹈藉而死。敵野塞川上。與親兵乘馬突圍。不得出。上下馬盤膝南面坐。有一敵將索衣甲不與。欲加害。其兄來曰。此非凡人。擁見也。先之弟賽刊王上問曰。子其也先乎。其伯顏帖木兒乎。賽刊王乎。大同王乎。聞其語大驚。見也先曰。部下獲一人甚異。得非大明天子乎。也先乃召曹使中國者二人視之。問是否。一人見大驚曰。是也。也先曰。我嘗祝天求大元一統。今乃落我手。將何以處之。眾皆欲殺之。伯顏帖木兒曰。不可。大明天子在雲端裏坐。不知天何故推下之。萬眾死傷之中。鏃矢不沾。寸兵不染。吾知天意之有在也。我等嘗受其賜。不

如還之。令中國遣使來迎。一旦復登寶位。豈不有萬世之美名乎。眾皆曰。胡語云者。然辭也。於是也。先以上送伯顏帖木兒營。令護視之。伯顏也。先弟也。上在位十四年而北巡。百官扈駕者。英國公張輔。尚書鄺埜。王佐。學士曹鼎。張益等。皆死之。護衛將軍樊忠。從帝旁。以所持捶。捶殺王振。遂突圍。殺數十人而死。報至京師。朝野大震。皇太后遣使齎重寶文綺。載以八騎。皇后錢氏。盡括宮中物佐之。詣也先營。請還車駕。不報。羣臣忿極。請族誅王振家。郕王旨未下。錦衣衛指揮馬順。叱各官起去。眾曰。馬順。王振黨也。爭前毆之。蹴踏搶裂。頃刻而斃。復索振所親信長隨毛王二人。亦毆殺之。眾競誹譁。班行雜亂。無復朝儀。都御史陳鑑奉郕王令旨。籍王振家。併鬻振從子山於市。族屬無少長。皆斬之。眾乃定。振家在京城內外。凡數處。重堂邃閣。擬於宸居。器服綺麗。上方不逮。玉盤徑尺者十面。珊瑚樹高六七尺。金銀六十餘庫。幣帛珠寶無算。皇太后以于謙為兵部尚書也。先擁帝至大同。索金幣約賂。至即歸帝。廣甯伯劉安等。括公私金銀共萬餘兩。出迎駕。既獻。敵復擁上去。都督郭登謀奪駕不果。上出塞始入也。先營也。先初欲害上。會雷震死也。先所乘青驢馬而止。繼又使人雪夜行刺。見一大蟒蛇。遶護帳外。大怖而去。於是益加禮焉。袁彬與哈銘及衛沙狐狸三人侍左右。供薪水勞苦備至。皇太后傳旨。皇太子幼冲。未能踐祚。郕王年長。宜早正大位。以安國家。於是文武百官交章勸進。遂擇日行禮。乙巳九月。郕王祁鈺即皇帝位。是為景皇帝。遙尊上為太上皇。詔赦天下。以明年為景泰元年。尊皇太后孫氏曰上聖皇太后。生母吳氏曰皇太后。立妃汪氏為皇后也。先復遣使

致書辭語悖慢。兵部尚書于謙見上泣言曰。寇賊不道。勞將長驅深入。宜急遣官分設召募。朝夕訓練。以補前死亡之數。其通州霸上倉糧。宜急令百官關支為月糧。以免寇據之而久留。上嘉納之。初楊洪石亨守宣府。坐不救來興。詔繫獄。至是以于謙言赦出之。命洪仍守宣府。石亨總京師兵馬。立功贖罪。太監喜甯故韃靼也。土木之敗。降於也先。盡以中國虛實告之。為彼嚮導。奉上皇入寇。七日。至大同城下。郭登曰。賴天地祖宗之靈。國有君矣也。先知有備。不攻去。九日至廣昌。破紫荊關。朝野恟恟。侍講徐理方有時名。太監金英召理問計。理曰。驗之星象。天命已去。請幸南京。英叱之。令人扶出。明日于謙抗疏言。京師天下根本。宗廟社稷陵寢。百官萬姓。帑藏倉儲咸在。若一動。則大事盡去。宋南渡之事可鑒也。徐理妄言當斬。金英宣言於眾曰。死則君臣同死。有以遷都為言者。斬之。乃出榜告諭。固守之議始決。于謙聞寇追關。思各處芻粟以數萬計。恐為敵資。乃為清野計。急遣使焚之。然後奏聞也。先長驅至京城西北關外。于謙躬擐甲胄。身先士卒。出營德勝門。泣以忠義諭三軍。人人感奮。勇往百倍。既而宣府楊洪援兵至。軍聲大振。時諸軍二十二萬列城下。寇見大軍盛而嚴。不敢輕犯。石亨出安定門。與其從子彪持巨斧突入敵中堅。所向披靡。敵却而西。亨追戰城西。敵復却而南。神機營都督范廣以飛鎗火箭擊之。殺傷甚眾。于謙使諜。諜知上皇移駕遠。命石亨等夜舉大砲擊其營。死者萬人。也先以上皇北遁。脫脫不花聞之。遂不敢入關。亦遁。京師解嚴。楊洪等班師還京。封洪昌平侯。石亨武清侯。加于謙少保。總督軍務也。先挾上皇北去。至小黃河。蘇武廟。伯顏帖木兒妻阿撻

刺阿哈刺令侍女設帳迎駕。宰羊。遞杯進膳。尋值聖節也。先上壽。進蟒衣貂裘。筵宴。哈銘袁彬常宿御寢傍。天寒甚。每夜上皇令彬以兩脇溫足。上皇使哈銘致意伯顏妻。令勸伯顏送還朝。銘時時慰上皇勿憂。或成疾。喜甯教也。先擾邊。且不欲送上皇還。上皇深惡之。甯又忌袁彬。誘彬出營。將殺之。上皇急救之。乃免。彬與上皇謀誅甯。乃遣甯傳命入京。令軍士高磐與俱。密書繫磐。間令至宣府。與總兵等官計擒之。甯至宣府。叅將楊俊出與甯飲。城下。磐抱甯大呼。出。解間書。俊遂縛甯送京師。誅之也。先聞甯誅。與賽利王等分道入寇。大同叅將許貢請遣使與瓦剌修好。兵部尚書于謙言於理於勢。必不可和。上是之。於是邊將人人言戰守也。先不得挾上皇為重質。始謀歸上皇矣。也先遣其叅政完者脫歡等。齎書來請和。詔以禮科給事中李實為禮部右侍郎。充正使。羅綺為大理寺少卿。充副使。齎書報之。書中止言息兵。講和不及。迎復上皇意。實等至也。先營既見也。先讀書畢。乃引見上皇。上皇居伯顏帖木兒營。所居纓毳帳。服食飲皆羶酪。牛車一乘。為移營之具。左右惟袁彬哈銘實等見上皇泣。上皇亦泣。上皇曰。朕非為遊畋而出。所以陷此者。王振也。因問太后皇上皇。后俱無恙。又問二三大臣。上皇曰也。先欲歸我。卿歸報朝廷。善圖之。日暮。實等歸宿也。先營酌酒相待。實等言欲奉迎上皇意也。先曰。南朝遣汝通問。非奉迎也。若歸。急遣大臣來。實等遂辭歸。實等未至京。會瓦剌復遣使議和。朝廷復遣右都御史楊善中書舍人趙榮報之。道遇實。實告以故。善曰。得之矣。即敕書所無。可權以集事也。善等至也。先營也。先甚喜。善因力請上皇還京。反覆數千言也。先

悅服。平章昂克問善欲迎復。來何操。善言若操賄而來。後人皆以爾為貪賄。今無所操而歸上皇。書之史冊。後世皆稱仰也。先然其言。明日也。先設宴餞上皇。妻妾以次起為壽。又明日。宴使臣。又明日。伯顏帖木兒設宴餞上皇。又明日。亦宴使臣。又明日。上皇駕行也。先率眾頭目羅拜而別。伯顏送至野狐嶺。慟哭良久。始別去。仍命其部將率五百騎護送至京。八月。上皇入塞。禮部議迎復儀注未定。上皇先遣使詔諭避位。免羣臣迎。百官迎上皇於安定門。上皇自東安門入。上迎拜。上皇答拜。各述授受意。遜讓良久。乃送上皇至南宮。羣臣就見而退。大赦天下。二年正月。百官請朝上皇。不許。命靖遠伯王驥守南宮。北敵來和。請以所掠男女易米。每一人易米一石。廣州盜黃蕭養眇一目。有智數。在獄中。所卧竹牀忽生竹。眾以為瑞。驚附之。因越獄造反。屢敗官軍。據廣州。稱王。凡數月。都督董興等討平之。廢英宗太子見深為沂王。立己子見濟為皇太子。羣臣請朝上皇。不許。廢皇后汪氏立妃杭氏為皇后。后太子生母也。未幾。皇太子見濟卒。南京大理寺少卿廖莊上疏。請上時朝上皇。篤親親之恩。御史鍾同。禮部儀制司郎中章綸俱請上朝上皇。復太子。皆下獄。御史高平言。南宮南城多樹事。叵測。遂盡伐之。時盛暑。上皇常倚樹憩息。及樹伐。得其故。大懼。少保于謙以疾在告。上遣太監興安與舒良視之。見謙自奉甚儉。相與歎息。因以聞。上為計所資用。一切上方給之。天順元年正月。景帝不豫。以儲位未定。中外憂懼。兵部尚書于謙。日與廷臣疏請立太子。石亨知景帝疾必不起。念請復立東宮。不如請太上皇復位。可得功賞。遂與都督張軫。太監曹吉祥以南城復辟謀叩之太

常卿許彬。彬請謀之徐元玉。元玉徐有貞字。徐有貞即徐程改名者也。亨軌於十四日夜。會有貞宅有貞曰。如公所謀。南城亦知之乎。亨軌曰。一日前已密達之。有貞曰。俟得報乃可。亨軌去。至十六日暮。復會有貞曰。得報矣。計將安出。有貞乃升屋。覽步乾象。垂下曰。事在今夕。不可失。會有邊吏告警。言北敵欲寇京師。徐有貞。石亨。張軌。張輓。與王驥。楊善。陳汝言等。借此以備非常為名。陰結中官曹吉祥。蔣冕等。通信於孫太后。收諸門鑰。夜四鼓。開長安門。納兵千人。宿衛士皆驚愕。不知所為。石亨等率眾薄南宮。毀垣壞門而入。共掖上皇登輿以行。入大內。門者呵止之。上皇曰。吾太上皇也。門者不敢禦。遂升奉天殿。登御座。鳴鐘鼓。啓諸門。是日百官入。候景帝視朝。議立太子。有貞號於眾曰。上皇復辟矣。趨入賀。百官震駭。乃就班。賀景帝聞鐘鼓聲。大驚。聞知為太上皇。連聲曰。好好。明日上皇臨朝。詔改景泰八年為天順元年。下少保于謙。王文於獄。上以于謙有功。未忍殺。而石亨。徐有貞與謙有隙。必欲殺之。遂與王文。范廣。及太監舒良。王誠。張玉。王勤。同斬於市。妻子戍邊。論迎復功。封石亨。張軌。張輓。楊善等為公侯伯。論隨駕功。擢哈銘。袁彬。並為錦衣衛指揮僉事。復廖莊。鍾同等官。各廕一子入太學。廢景帝仍為郕王。皇后為王妃。遷居西內。尋薨。在位七年。葬以親王禮。景帝知人善任。外倚于謙。內信興安。不動聲色。使社稷危而復安。可謂英主。特處天性之間。未盡善。致起奸臣之釁。惜哉。復立故太子見深為皇太子。曹吉祥。石亨憾徐有貞。謫之雲南。有貞去。而曹石益橫矣。後曹石敗。放還。上頗知石亨等驕恣。屏人語大學士李賢。賢對曰。權不可下移。惟獨斷乃可。上語及奪門。

功賢曰。景帝不起。羣臣自當表請陛下復位。何用奪門。此輩持藉陛下圖富貴耳。假使當日事泄。此輩固不足惜。不審置陛下於何地。上大悟。寢寐之。於是忠國公石亨遂與定遠侯石彪同謀反。事覺。下獄死。黨與皆伏誅。太監曹吉祥與從子昭武伯曹欽謀反。事泄。上執吉祥於內。欽與王師大戰於東華門。大敗。欽投井死。磔吉祥於市。同謀者盡死。籍其家。時有河套空地三千里。無人守禦。忽為北敵所據。遂為中國大患。上不豫。既而大漸復辟。後又八年崩。前後共在位二十二年。壽三十八歲。上初寵王振。後寵曹石。政治固不足稱。其晚年任用李賢。聽言納諫。仁儉愛民。美善頗多。太子見深即位。是為憲宗純皇帝。改明年為成化元年。上錢后號曰慈懿皇太后。尊生母周貴妃為皇太后。錢后無子。性孝謹。不妬忌。英宗北狩。后夜哀籲拜天。倦則卧地。因損一股。哭泣太多。復損一目。傾宮中所。有以為迎駕費。復辟後。待景皇后猶盡禮焉。立妃吳氏為后。尋廢之。而立王氏為后。後紀妃生皇太子祐樞。廢后吳氏抱護惟謹。乃得免。萬貴妃之難。再後萬貴妃子祐極覺。乃立祐樞為太子。紀妃暴卒。詔復于謙官。遣使往祭其墓。以其子冕為世襲千戶。謙壻朱驥等。各給還家產。荆襄民劉千斤作亂。眾至四五萬。命撫甯伯朱永等討平之。又陝西固原土官滿四據石城反。右副都御史項忠討平之。又襄陽李胡子作亂。亦命項忠討平之。上之初年。任用李賢。彭時。商輅等。天下稱治。繼寵萬貴妃。貴妃認萬安為兄弟。遂以安入閣辦事。黜陟任意。又置西廠。命太監汪直提督刺外事。直遂羅織生事。直仗提督陳鉞。威甯伯王越為羽翼。於附己者用之。於異己者傾之。權勢震赫。天下畏之。又直欲

立功於外。妄開邊釁。上命直掌十二團營。時有中官阿丑者。善詆諆。每於上前作院本。頗有東方朔
譎諫之風。一日丑作醉人酗酒。一人佯曰。某官至。佯罵如故。又曰。駕至。酤亦如故。曰。汪太監來矣。醉
者即驚迫帖然。傍一人曰。天子駕至。不懼。而懼汪太監何也。曰。吾惟知有汪太監。不知有天子也。至
是直寵漸衰。時王越陳鉞媚直。結為死黨。丑一日復作直持雙斧。趨蹌而行。或問故。答曰。吾用兵。惟
仗此兩鉞耳。或問兩鉞何名。曰。王越陳鉞。上微哂焉。於是御史徐鏞等。劾直欺罔弄權。擅開邊釁。上
納其言。遂逐直。并其黨。竄斥皆盡。內外莫不快之。上以房中術。寵妖僧繼曉。賜美姝十餘。金寶不可
勝記。刑部員外林俊直諫。上大怒。下之獄。經歷張黻論救。併逮赴獄。各杖數十。欲殺之。時有太監懷
恩。每以忠直事上。叩頭諍曰。自古未有殺諫官者。臣不敢奉詔。上怒。用御硯擲之。俊獄乃得解。上又
以符水小術。寵江西人李孜省。擢為禮部侍郎。掌通政司事。主事張吉。舍人丁璣等。疏諫俱被譴。時
又有東宮內監覃吉。每事以正道輔太子。曰。吾老矣。安望富貴。但得天下有賢主足矣。上英明仁恕。
天下無事。惜寵用奸邪。不無少病焉。在位二十三年。壽四十歲而崩。太子祐橿即位。是為孝宗。敬皇
帝。改明年為宏治元年。尊太后曰太皇太后。皇后曰太后。立妃張氏為后。又追尊生母紀氏為太后。
以抱育功。奉廢后吳氏以太后禮。李孜省僧繼曉伏誅。上於宮中得一小篋。皆房中術也。悉署曰。臣
安進。上遣內監懷恩持至閣下。示萬安曰。是豈大臣所為乎。安慚愧流汗。不能出一語。恩摘其所懸
牙牌曰。請出矣。安始惶悚歸第。京師西直門有熊入城。兵部尚書馬文升等請備非常。兵部郎中何

孟春曰。熊於字為能火。宜慎火災。已而禁中禮部俱大火。果如其言。上敬謹英明。仁慈恭儉。節慾愛民。禮賢納諫。即位之初。徐溥劉健入內閣。王恕入吏部。自是眾賢並進。李東陽謝遷邱濬馬文升劉大夏戴珊王鏊楊廷和林俊楊一清等諸君子相繼並進。翼贊皇猷。內外安甯。幾致刑措。升遐之日。遠近悲哀。嗚呼盛哉。上不豫。召劉健李東陽謝遷等入受顧命。健等叩頭御榻下。上曰。張皇后生東宮年十五歲矣。性雖聰明。好逸樂。先生們須勤請他讀此書。輔他做個好人。健等叩頭曰。臣等敢不盡力。五月上崩。在位十八年。壽三十六歲。太子厚照即位。是為武宗毅皇帝。改明年為正德元年。尊太后曰太皇太后。皇后曰太后。立妃夏氏為皇后。命劉瑾掌司禮監。兼提督團營。瑾陝西興平人。本姓淡。景泰中。自宮入劉太監名下。因其姓。上在東宮時。瑾以俳優戲弄。為上所悅。及上即位。瑾朝夕與其黨八人。為狗馬鷹犬歌舞角戲。以娛上。上狎焉。與之遊戲無度。大學士劉健謝遷李東陽等上疏切諫。勿聽。戶部尚書韓文。合九卿諸大臣具疏諫。太監王岳亦東宮舊臣。素剛直。與太監范亨徐智等欲助外廷去瑾等。劉瑾知之。訴於上。逐之南京。使人殺之於途。於是劉建劉大夏謝遷各上疏致仕去。罷韓文官。下諫臣吳紳劉玉呂紳戴銑薄彥徵等於獄。斥為民。兵部主事王守仁直諫。杖五十。謫為貴州龍場驛丞。劉瑾多構離戲男女聲色以娛上。候上娛。則多上外廷章奏。請省決。上曰。吾安用爾為。乃一一煩朕。瑾由是自專決。劉瑾矯詔。榜奸黨。劉建謝遷韓文李夢陽王守仁等五十五人於朝堂。追奪劉健謝遷馬文升劉大夏韓文許進等六百七十五人誥敕。並黜為民。充軍。五年二

月陝西宗室安化王真鐸反。起都御史楊一清。命太監張永同督兵討之。八月真鐸就擒。楊一清因密說張永請上誅劉瑾。且教以上請之術。曰。公班師入京。請上問語。甯夏事上必就問公。公於此時即上真鐸偽檄。并述渠亂政。謀為不軌狀。上英武必悟。但須得請即行。若少緩機洩。則禍不旋踵。永攘臂許之。及還獻俘。上迎之於東華門。賜宴。比夜瑾先退。永出懷中疏。言瑾激變甯夏。及謀為不軌狀。永黨張雄張銳亦助之上。悟允其奏。當夜即命禁兵逮瑾。時漏下三鼓。瑾方熟寢。禁兵排闥入。瑾披衣起。趨出戶。被執就獄。明日降詔。閑住之於鳳陽。初無意殺之也。及籍其家。得金二十四萬錠。又五萬七千八百餘兩。元寶五百萬錠。又一百五十八萬三千六百餘兩。寶石二斗。又金甲玉帶蟒衣。袈裟。盛甲弓弩等項甚多。上大怒曰。瑾果反矣。命凌遲之。親屬皆論斬。張綵死獄中。罷大學士劉宇。曹元。焦芳等。並削籍為民。天下快之。初霸州文安縣大盜張茂家有重樓複壁。多為深窖。響馬盜劉六劉七齊彥名楊虎等皆附之。茂以賄交結內監。嘗進豹房。觀上蹴鞠。郡縣無可如何。至是御史甯果掩捕。茂折其股。劉六劉七等勢窮。劫取已擒盜黨齊彥名等反。一時窮民響應。眾至數千。劫掠霸州文安縣。文安縣生員趙風子者名鐸。有勇力。好任俠。劉六等攻掠文安縣。鐸避賊立水中。會盜數人。劫淫其妻於岸上。鐸大怒。奪刀殺傷二賊。為賊黨所擒。遂與弟趙鐸趙鎬俱降賊。招致黨與。賊勢益熾。劫掠畿內州縣。擁眾北向京師戒嚴。既而流賊趙風子劉六等分寇河南山東州縣。攻徐州掠淮西。官軍屢敗。乃命太監谷大用總督軍務。調宣府大同邊兵討賊。大同游擊江彬宣府人。驍勇狡。

險從征流賊。惟殺掠良民以邀賞。劉六等乘船劫掠。往來江上。至通州狼山。遇颶風。舟盡覆。賊盡死。悉為官兵所擒殺。班師還京。彬賂太監錢甯。引入豹房。得見上。彬機警。善迎人主意。上喜。留侍左右。陞左都督。冒國姓為義兒。誘上為微行。上狎虎。為虎所傷。卧病者累月。江彬言宣府之樂。誘上出居庸關。至宣府。彬為上營鎮國府第於宣府。輦豹房珍玩女御其中。時時夜出。見高門大戶。即馳入。宣淫其婦女。彬益索民間美女進之。上樂而忘歸。號宣府曰家裏。上還京。復議北巡。乃自稱威武大將軍。太師鎮國公朱壽巡邊。命內閣楊廷和梁儲等草敕。儲等言。君不可以臣名。不肯草。上遂自稱之。以行幸宣府。至大同。抵榆林而還。上以南方多美女。復下制南巡。初甯王宸濠既納賄。得復護衛屯田。時時欲反。廷臣憂之。乃起王守仁為僉都御史。巡撫南贛汀漳等處。守仁請提督軍務。許之。至是南巡制下。人情洶洶。會御史蕭淮劾奏甯王不法事。甯王宸濠遂與所厚鄉宦李士實。舉人劉養正。舉兵反。婁妃泣諫。固止之。勿聽。遂以計殺守臣孫燧許達等。取有南昌。復遣賊首閔念四吳十三等。奪舟順流。攻南康九江皆陷之。宸濠自率兵攻安慶。知府張文錦等率眾死守。提督南贛軍務都御史王守仁與吉安知府伍文定等起兵討賊。逕襲南昌。宸濠解安慶圍還救。至鄱陽湖。守仁督兵與戰。賊眾大敗。宸濠就擒。檻車北上。婁妃赴水死。宸濠曰。昔紂用婦言而亡。我今不用婦言而亡。悔之何及。時守仁捷音猶未至京師。上欲南遊。遂下詔親征。出師駐良鄉。守仁捷音方至。上令退回。待至南京。另奏。梁儲將晃力請回鑾。勿聽。王守仁發南昌。將獻俘闕下。內監張忠朱泰等謂當縱之鄱陽。